



## 杉池

停佇樹仔頂的蜚蠊叫聲齊響，當欲眠去的阿明仔叫是水螺聲咧響，雄雄對蓆仔頂跔起來，耳空閣斟酌咧聽飛行機當時會飛到位。等一觸仔久了後，伊才發覺講是家己咧陷眠，窗仔外干焦有囡仔毋驚日頭咧耍、咧喝咁的聲爾爾，哪有啥物空襲？彼覷炸彈的日子早就離誠遠去矣，阿明仔算算咧，對草地搬來遮嘛欲十二冬矣！

阿明仔個厝佇草地，干焦有五分的溪埔地爾爾。厝裡七个兄弟姊妹伊排第三，從伊有記持開始，伊就毋捌食過白米飯。細漢的時是定定咧空襲，田裡的穡頭攏做袂齊勻，三頓若有番薯簽通食就萬幸矣。後來大兄、二兄娶新婦了後，囡仔閣一个一个出世，彼五分地種的番薯根本都無法度度日。阿明仔和個二兄參詳了後，決定做伙來港都拍拵。

阿明仔個二兄佇草地就予人講是：「溜溜瞅瞅，食兩蕊目睷」的人，一下來高雄隨就揣著碼頭搬運的工課，和個嫂仔佇哈馬星稅一間房，算是安搭好勢。阿明仔就無遮好運矣！伊揣誠久才去允著磚仔窯的頭路，雖然愛爌火，毋過伊有宿舍通蹠，就決定留佇磚仔窯。想袂到做無佬久，老跤食新跤，伊不時去予人欺負，囡佇宿舍的錢又閣定定拍毋見，伊就決定搬出磚仔窯，換來杉池遮蹠。

杉池就是合板公司挖的水窟仔，進口的柴箍對愛河入來了後會先浸佇杉池內底，等欲做合板的時陣才罣起來囡予焦，按呢才袂必去。阿明仔後來換來合板公司食頭路，嘛順勢佇杉池邊仔的沙仔地，家己起一間草厝仔倚。這附近攏是像阿明仔個厝全款的低厝仔，雖然無水無電，嘛知影早慢有一工政府會將這塊地收轉去。猶毋過，對離鄉背井的散凶人來講，有一个會當遮風覷雨的所在就是天公伯仔保庇，伊毋敢向望閣較濟矣！

阿明仔勤勤儉儉十二年來已經趁袂少錢，就算欲買樓仔厝嘛無問題，只不過蹠佇杉池的日子阿明仔已經慣勢。伊佇遮娶某生囡，嘛佇遮安居樂業，杉池會使講是阿明仔的第二个故鄉，伊嘛已經離袂開遮矣！

作者：洪淑昭

### ☆詞彙學習☆

【蜚蠊】am-poo-tsê：蟬。動物名。俗稱「知了」。頭短體長，有兩隻突出的複眼，翅膀兩對，薄且透明。雄蟬腹部有發聲器，叫聲尖銳，夏天會連續叫個不停。  
【草地】tsháu-tē/tsháu-tuē：鄉下。

【溜溜瞅瞅，食兩蕊目睷】Liu-liu-tshiu-tshiu, tsiáh n̄g lui bāk-tsiu：比喻人要會察顏觀色，眼觀四面，耳聽八方。  
【安搭】an-tah：安頓、安撫。  
【倚】khiā：住、居住。